

# Jekkaara

Jamana



SNV

Connecting People's Capacities


Cikela ceman n'a musoman kunnafoniseben

a bə bə kalo o kalo

Jamana baarada la BP: 2043 Bamako (Mali)

## Sene ye maninkala ko koroba ye

ne 3 nan



### Dantiglikan : Dipe geleyara dere

Bi, fan bee fe, geleya de be  
dipe bangui kan. I dan ye i ka  
dipe arajosow lamen dəron  
walasa i kb faamuya. Awa, kā  
ta kədəwari, Senegal, fo Ka-  
meruni, ka se Gabon, adaman-  
denw ka wulikajé kera fan bee  
walasa ka sumanw da jijini  
la jini ke. O yere de siratge  
kelen na, clamisadon, awirilikalo  
tile 4, Mali musow ka  
tonba, "kafo", musow ye Ba-  
mako "yeremahəronya-sira-  
ba" mine ka janiya-jira-taa-  
ma ke walasa ka jira minisiri  
nemaa Modibo Sidibe, nd ka  
gəferenama minisiriw bee la,  
ko n'u ma ko ke ko ye. Mali

gadomusow ka na minen be  
ka lankolonya dere ka da  
sugu konofenw geleyako jugu  
kan. Malo səngə ka gelen, ne  
səngə kuma te fo. Kalosaraw  
dun man ca. Jumadon, san  
2008 awirilikalo tile 4,  
yelemanin donna Mali  
gəferenama kənə. Sərəda-  
ninw ni ladala nafolo sərəsi-  
raw minisiri wulra kb nəna-  
bila. Yali o kun ye o ka desé de  
ye ka sugukonofenw səngə  
berəben wa ? An tə dən. An  
koni dalen be min na, o de ye  
ko jamana kənə geleya kun  
juru be teme sira caman de fe.  
Moğj kelenpe wulri ko bə a

no na, o tə ko da berəben ne si-  
ma. Fo yelema de ka don  
dipenatige jogow la yoro ca-  
man. Gəferenama ka suman-  
feere yamaruya labila julaw  
bee ye, ani ka ka səngə waji-  
biya julaw suguw kənə.  
Nənte, an be don min na i ko  
bi, nətə san səngə de be fee-  
refen bee kun suguw kənə :  
nono, malo, jiw sukaro, hali  
finiko safune, ka se sogo ni  
nafenw ma. Hali ni geleya in  
te Mali dəron kənə, fijebu  
koni kora, bee bolo de be i yere  
kundoni na.

Tumoni Yalam Sidibe

Musow jayɔrɔ ka  
bon sigida yiriwabaara  
bee waleyali la

ne 12 nan

Mali kənəskafekalako  
in be cogo di ?

ne 5 nan

An ka denmisənw  
ladon

ne 7 nan

Da kera kumamugu la

ne 4 nan

Mali ntolatan  
bənkamalenw  
ye degekaraməgo  
kura sərɔ

ne 9 ni 10 nan

"Kalan be məgə sən hakili la, nka kunnafoni be məgə bə kunpan na" Yərə Ulen Sidibe

## Sene ye koba ye



**Hamidu Konate**

**K**à ta dijé dadon ma fo bi, dijé ko bëe sinsinna sene de kan Dijé fan bëe fë; i kéra kelemasa ye wo, i kéra jamana maromasa ye wo, i kéra dutigi ye, wällima maañemaa wëre, ni kóngë b'i bara, siga t'a la, hali ni dansigi ma ke i ka fanga la, a be ñemangosi, n'a y'a soro i ka maramégow te balo soro a ñema. N'i dun ko balo, i ko senefenw de. Senefenw dun te soro je si ma cikelaw kó. O kosón, jamana o jamana bá lajini k'a ka ñetaa sabati, fo cikelaw jöyörö sankorota ka bò dalakuma gansan na yen, k'a ke tijekuma ye min n'a ka lawaleya be taa ñögön fe. Mali dun ye seneké jamana ye min lakodonna n'o ye

### Sangalaci

Jamana baarada ñemaa n'a baarakelaw bëe nisçngoyalen be sinfonw, ni balimasiraw, ani terisiraw bëe ladonniya ko u ciké ñögön Denisi Kone, n'o ye sebennikela ye "Les Echos" kunnafoniseben nekulu kóngë, faké Behu Dawidi Kone factura san 2008 awirilikalo tile 9 (arabdon). A ka janajaw kéra Senukin kóngë, alamisadon san 2008 awirilikalo tile 10. An faké factura k'a si to san 75 la.

Ala ka hine a la

kabi lawale la. An ka jamana fan bëe ye cikéyörö ye : k'a ta Kayi, Si-kaso, Segu, Moti, Gawo, fo Tumutu ani Kidali. A bë se ka ke de nin marayöröw senefen sabatitaw te kelen ye, nk'a kelen kelen bëe kóni n'a ka duguréke-senefen don a waati la. O kosón : nakofénw ; jiridenw ; alikaama, fo ka se suman tòw bëe ma, nin bëe bëe cike an bara yan. N'an y'an je fili ka taa baganmara ni mònni kan, an bë t'a ye k'olu fana n'u sabatiyörö lakikaw don. O b'a jira ko ni kuntiennaw bëenna lapi-niw waleyasiraw lakikaw bëli ma, siga la, Mali bë se a yëre kérö, fo ka ke seba ye Afriki kóngë yan, yëre-den-labalo ani wali-den-labalo. Aa ! O te je soro cikelaw ka faso kanunciya kó dere ! An bëe ká dòn fana ko maakelenfa te jamana si to a sen kan dijé kóngë. Bi dun bëe n'a jöyörö de don jamana ka ñetaa la : marabagaw ka mara ke ni faso ka ñetaa lajini ye ; baarakelaw ka baara ke ni jöyöröfa hakilina ye ; dëgötöröw ka baara ke ni faso kóngë keneya lajini ye, awa cikelaw ká dòn ko ko bëe waleyako juman sababu ye olu de ye. Kunnafonidilaw fana ka fasodenw kunnafoni ni tñë ye. No hakilinaw soro la ani bëe ka baara ke u kadara kó nô, Mali ka ñetaa be sabati, barisa dunkafa be sabati. Dunkafa de dun ye ko in bëe kun ye ! An bë samijé kunbenkalo de la nin ye. Ala k'an galabu keneya ka don samijé kóngë !

Hamidu Konate  
Jamana baraada ñemaa

### Hakilisenekéne

Gonjanba kérö, bëe b'i nun ni i da, ani i new de tønga. Dijé dun kelen be gëngën-marayöröba ye bi sira bëe de fë. Bëe ka tanga be se farikolo fan bëe de ma dere ! An kona jine an yere kó je si ma !

Tumani Yalam Sidibe

### jigiyaw

Kabi ne ma wolo  
Ala bë yen  
N jigiyaw bë yen.  
Kelen ye maa fila ye :  
**Kontorón ni Saane** ;  
Kelen were ye Ba faaro ye ;  
A tòw ye  
**Fila Kali Sangare** ;  
**Tapama Jenepo** ;  
**Baramadana Masa** ;  
Segu boli tan ni fila ;  
**Maninkala Kamanjan**  
Subagaw ye Kamanjan min  
Ja masoje  
Ka soro a sindi be dugu rö.  
O yere de te  
Sunjatako sabu ye wa ?  
Hali simikene sogoma  
**Kamajan kulu**  
Ja be fifa Sibi kunna  
Ka manden mora bëe lahine.  
Jigiyaw be n na dere !  
Yali an t'a dë fë  
**Sintan Seriba Sidibe**  
**Ni Hamadi boloje**  
Ma wa ko "Bilis" ?  
**Hanbodejo dun** ?  
O bëe ye taaremégow ye  
Ne benba jigiyaw la dere.  
Awa,  
Ala ka hine kaman karamogé  
**Adama Jarasuba la**  
Ale min tun ye  
Ne ba "kankuba donbëeyebaga"  
ye !

Tumani Yalam Sidibe



## Sene te bi ko daminenen ye maninkala

Manden mara bee jujonna sene de kan. Awa halibi, maninka te wasa fo n'a y'a ka forokənəfənw jnenen ye. Anw ka ladala senefen ye suman de ye. Nka, ka taa dijəs sərədaw taabolo fe, an be koo-risene fana na a məennna. An b'o ke ətuwale kadara de kənə. An ka dugu məgə caman yere fana ka ŋunuw dalen be an ka soforow jiri baronw la. O b'a to an ka diko nege be da, fo an be taa dibara caman yere feere san o san Bamako dəgə fiyəba kənə, k'an ka sərəta sərə nafoloko siratege la. Jumala ye senekeduguba ye kabi an bənbaw tile la. Donsoya fana be kən ka dugu donsow fe. O kanma, fələ, san o san, u tun be taa fele la, n'o waati sera. O fele min tun be k'u fe an ka sigida kungo kənə, o tun ye kəjinew ni kungo waraninw ni sogo misen təw fagakene ye. Tuma caman yere waraw suw tun be na so an ka donsow ka npalan kənə. Nka sisani, ka da kungow tijeni kan, ani kungo sogontanya, fo ka se zofore məgəw ka jiangili taabolo ma sogofaga ju-guya la, caman bəra donsow ka la-hala la. Fen min ye sene kunkanko ye, kabi lawale la, an ka maakərəw m'o ke kufəko keta ye abada. Labenw de tun be sene na fan bee maninkal. O kanma, an ka maakərəw tun ye sene ka jəsərə waleyali bila minen saba lahala de kənə : cikəlaw ; kənə gennaw ani foro du-gukolo juman. A ka a la, hali ni du cəkərəba walima a musokərəba tun be ye foro kənə cikəlaw dafə, olu tun be ye yen dusudon kadara de kənə baarakəlaw la, nənte du kamalenw de tun ye daba samanbagaw ye foro kənə. Awa, olu ka faana tun be na sige foro cemance jiri sumamaba kərə waati bee ka ben la-fijəbə waati ma. O tun ye du gadonmuso de ka ko ye. Waati o waati ni musow tun sera ni cikəlaw ka faana ye foro kənə, u tun te to sigilen ten ka baarakelaw laje to dun na,



### Ni sene ye koba ye, ŋunuwa fana ma ke bolokəfəko ye maninkala !

barisa, k'olu to dumuni na, u fana tun be wuli ka daba ta ka yərə dəw saalon. Aa ! jəyərə tun be muso la dərə, ale min tun b'a ka sokənəbaaraw, n'a ka soforo kənə baaraw, ani du foro kənə baaraw k'a jəma tile o tile, ka sərə o te fen bə a ka musoya jəyərə la denw ladonni ani furuke n'a soməgəw gaasi sigili siratege la.

Fen min ye forobaara taabolo ye, n'o kolo girin tun be kamalenw kan, an k'a dən ko foro kənəgen tun ye du denmisew de ka baara ye. Walasa ka kənə gen timinandiya don denmisew la ani k'u ja farinya waraw u la, gatigi bee tun be yerejenajə labenw ke forow kənə. A ka c'a la, a caman tun be **tabalen** barantu jiri baronw kənə, ka yelenyelennan bə duguma k'blu lasərə, ka sərə ka gəngən n'a fəkalaw bila o kan. Bi bi in na, fen min ye tabalen ni gəngən-ko ye, olu ye kərəlenkow ye Mali fan caman kənə

Kənəgenna tun be yelen de ka t'a sige tabalen kunna jiri baron kənə, ka sərə k'a ka gəngən fəkalaw ta k'o fəli damine. A ka c'a la balakan de be bə gəngən labenko juman bee da. Tile kuuru, kənə tun te jigin foro kan kuma te warabilenw ma. Awa bəle fili defe tun be kənəgen denmisew bolo min b'a to u be gabakuру misenw kerun waati ni waati foro sumandibimayərəw la. O b'a to, hali ni keguya y'a to kənə minnu, walima wara minnu ka kənəgenna hakili sojə ka don foro kənə, olu ka boli k'u taayərə jini.

Fen min ye forokeneko ye, ale te kufefen keta ye. Ga maakərə tun be ko jəpini caman de ke sanni a k'i ke kene kan jiritige ni gungurunbə kanma. N'a tun seereyara a ma waati min ko kene sigifenw bee darəkurula, a tun be sərə ka yamaruya di denmisew ma jiritige kanma. Awa, jiri bee tun te tigeta ye foro kura kənə. A ka c'a la, se tun te ke jə si ma sisun ni nəresun ma. Dugugukolo bangu cogo fana be jatmine du maakərəw fe, ka senefen keta də sugandi kene suguya bee kanma : Sumanw ; tiga ni tiganinkuru ani sə kəori, fo ka se da kumu ma. Senefen bee tun te kene suguya bee ka seneketa ye. O kanma, an ka maakərəw tun be se ka san tan ke forokene kelen kan ka sərə a mana b'a la. O kanma, foromajan tun yeli man ca an ka cikədaw kənə.

Nin tun ye ne ka kərəlenfə ye jekabaara kalanbagaw ye, ani ka don kecogo kura kənə, walasa ka bee sən hakili la. Ka sərə tubabunəgəw tun ma se an bara yan fələ, sene kotigi saməgəbaw tun b'an bara yan minnu tun banbannen don sunungunəgə, tolinəgə, ani senefenw yere bulu kərəw n'u kala kərəw kan, walasa ka san wolowula jigine ke senefenw bee la.

**Joma Mərə Kamara**  
**Ka bə jumala**

## Do kera kumamugu la

**S**an 1970 waatiw la, jakengé ye Saheli jamanaw sègen ; ka mèg-òw jani ; ka baganw faga ; ka ji dese fo kan'a ke kònòrò fili ye.

Kabi kungötow kulekan bòra, Mali jemögòw y'u ka garibufilen-ninw ta ka farajew sègere. Dijelamin dabòra. "Dønnin døn goman ! Nàn yan sigi, an fa be sa, nàn yan jo, an ba be sa". Tubabuw ma laada tijé, bawo, u ka bolomadème yera U yan deme ni mun ye ? nobilen, u be min di u ka sow ni misiw ma. U ya jira an na ko danbe te salabaatò la. I mana fen o fen dà ma, a bù wasa don o la, bawo, dusu tå la. O kuma ye ntori tege ye min te duguje. Nàn ya laje ji jemajelen na, babo belebele joli be Mali ceci minnu ji be ka tijé u yérema, u dondalabaliya sababu lada la ?

O nà taa bëe, anw ko ji tan bolo kàn da hirime jini, fo kà bò sanji

la. O kòrò ye ko ni samijèji ma labòli ke san min na, an bùn sigi ni jakengé nà kòlèlòw ye, i nà fò balodesè ; minnögò ; bana ; sègen ni faantanya kise bilen.

Tijé don, an kana fen døn an yérema, nka, kàn hakili geren, hali an te se kàn jemada mègò wèrew ma ! O ye bana juguba ye ! Ka damine jamanakuntigi la, fo ka na se a dembagaw ni jamanaden gansanw ma, maliden joli ye farajela faabaw yaala ? U sera yòrò o yòrò, u ye babolow kelen ye ka duguw lamini. Badingew be ka ji lase farajew jenayoròw bëe la, k'o k'u makonjèjiw ye, sène walima galodugubaw masirili dòrèn kanma.

O nà taa bëe, farajela yòrò dòw dugukolo be datugu gilasi fe, kalo wolonwula, san kònò. A yòrò dòw fana dugukolo ni Mali saheliyanfan ta bëe ye kelen ye. Nka, O yòròw si-

gibagaw te kòngò døn ; u te minnögò døn, wa, u ka banaw man ca, kò sababu ke u ka senefenw sicayali n'u nafaw ye. Sanni an ka taayorò jan, Misirajamana min ye Afrika jamaana dø ye, yenkaw be se kà san tan ni kò ke ka sòrò u ma sanji kise kelen bintò ye u ne na. Nka, sène min be ke yen, o te døenin ye, kò kun ke Afrika gun kanna bajiba dø dondali y'u fe nò be wele ko "Nili baji !, nò janya ye bametere 6 ni metere 700 ye.

Dijé dønnikelaw bëe lajelen bennà kan ko Misira jamana ka jamanaya sirilen don Nili baji de la. Nò Nili baji te, Misirajamana ko kuma te fò dugukolo kan.

Nin bëe b'a jira an na kàn dabaga masa be fen dòw dàn ma gansan, ka sòrò an ma sègen u nòfè.

Nka, tuma dòw la, a b'an kòròbò nàn jeli ye fen dòw fana na...

**A tò be bëko nata kònò karamögò Basiriki Ture**

## Semara ye Jamana ka sòròdaba dò fana ye

**N**tenendon, Awrilikalo tile 7, san 2008, an ka bagamara ni mènni minisiri, Madamu Jalo Madeleni Ba, ye taama ke ka se semarayorò dòw la, walasa a ni semaralaw ka se ka hakili falen-falen ke ka jésin semara yiriwali ma Taama in ye an ka minisiri lase Bubakari Dunbiya ni Lamini Dugure ka semarayorò la.

An ka bagamara ni mènni minisiri Madamu Jalo Madeleni Ba ya ka taama bere ta n tenendon, Awrilikalo tile 7 San 2008, walasa a ni Semaralaw ka nègòn ye ka hakili falen-falen ke ka jésin semara yiriwali ma an ka jamana kònò. Taama in senfe, a n'a ka minisiriso maa dòw tun be nègòn fe, i nà fò kabine maaw ani a ka minisiriso bolofara tekiniyi dòw.

Minisiri n'a nèfemaaw ye yòrò fòlò min lajelon kera an balimake Bubakari Dunbiya ka semarayorò ye. O be Solomanibugu, kulukorosira kan. Nin semarayorò in ye Mali

semarayorò la belebeleba dò ye. Ka dà kan se 20.000 (ba mugan) be sòrò ale ka semarayorò la bi yòrò dòw lajelen minisiri fe, Bubakari Dunbiya min ye semarayorò tigi ye, a da sera geleya dòw ma minnu bù kan semara ta fan fe nin san damado temenénw na. I nà fò sebanni (giripu awiyeri) yeli min kéra an kéréfè jamana dòw la aní kaba min ye Sew ka balo fanba ye, O sèngò yelenni yòrò filanan min lajera o n tenendon kelen Awirili kalo tile 7, san 2008, o kéra Lamini Dugure ka semarayorò ye, nò fana be kulukoro sira kan, n ka, ale be wele ko : "marakaforo Sodufu Semarayorò"

Semarayorò in kéné bonya ye taari 5 ye.

Semarayorò in be seden sogodunta 3.000 tòrò ani se fandala 1.500 dègòkun kònò. Sefantorò-mansin min bù bolo, o be sèfan 25.000 tòrò ani se sogodunta 30.000 kalo kònò, ka fara sèbalodilan mansin kan min be sèbalo tòni ba 10 (ba

tan) dilan lèrè 1 kònò, ani se 1000 (ba kelen) fagayorò lèrè 1 kelen kònò.

Maa 80 be baaraké "Marakaforo Sodufu Semarayorò la. Danfara foyi te a ni nansaara jamana semarayorò ce. O hukumu kònò, semarayorò tigi Lamini Duguru ye a hakilina dòw dajira minisiri la. A ko : "u nisondiyara kosebè minisiri ka nin taama la ka jésin u semaralaw ma, nin bù jira kà fòko a ka minisiriso ni goferenama hakili be semaralaw la kosebè. O siratege la, u mago be u ka deme la kosebè ka jésin semara Yiriwali ma, kerenkerennenya la, iziniko semara ta fan fe."

Ka dà kan, an ka lapini ye ka sèfan caman sòròfo ka se a bayelemani ma kà ke mayonezi ye"

Ka fara o kan, a ya sinsin izini lakika sòrali kan semara ta fan fe walasa u ka se ka se sogogodunta Caman sòrò ani sèfan caman.

Geleya min bù kan baara in na, Lamini Dugure da ma dogo olu fana la, i nà fò fen minnu be laben

**A tò be je 5 nan kan**

## Mali kejnekafekeloko in be cogo di ?

Bee be fitine in de wele kabi san 1962, filikuma na ko : **koranfekeloko**. O te, barisa a be Mali kejnekabolo de kono. Faransikan yere ma fili don o ko la waati si, an k'o min ma ko "noru kele". kejnekafekeloko in be sen na Mali kono yan kabi san 1962, Peresidan Modibo Keyita tile la. O san na, an ka maramafen tabagaw ye fitine tigilamogew ninnu kele f'u ka dogonyoro baju la, k'u ka kuntigi Beni Aladden na ka ce jana woero mine ka na n'u ye Bamako. Modibo ya ka mara

### pe 4 nan to

ka ke sew balo ye, o soro geleyaw ni baarakeminenko an i baaraket nefolokow, ki fara geleya caman kan. Madamu Jalo Medeleni Ba ye a ka nisondiya jira yere lajelen ninnu ko la heali. Ka masoro, yere ninnu ye semarayero lakikaw ye, minen dafalenw bu bolo wt baarakelaw ka ca wa u bu ka baara dan fana.

Nin semarala suguyu ninnu ka kan ni tanuni ye ka dusu don u kono, min be se ka ke sababu nian be se ka izini soro semara ta fan fe Mali kono yan ani ka ke sababu ye ka nafa fila lasan ma : ka se sognadunta soro ani Sefan caman. Madamu Jalo Medeleni Ba ye min fa ka fara a ka kuma kan, o tun te dowerye sew ka boloko ko a ko semaralaw ka janto u yere la kosebe.

"Fen min ye sew ka boloko ye, geleya te an kan o ko la Mali kono yan, ka da kan, fen o fan be don sew ka boloko dafe, o bee be soro an fe yan. A dan ye an kan janto an yere la ka u san ka mard yen ka waati gelen pesigi!"

Nin hakilina bora l'indépendant kunnafoniseben kono, a ka don na duguje bota boko 1932 nan, Araba Awirlikalo tile 9 2008,

Kasumu Tera ka sebenni don.  
A bayelembaga bamanan  
kan na : Yusufu F. Fane

to kuru ke ka soro fitine were ma kunbo Mali kejeka fe. O hakililatige waati de tora sen na fo san 1978, Musa Traweletile la. Kejekafe fitine tigilamogew y'u ka marafaw n'u ka mugu juguw ta kokura ka jesin Mali soredasiw ma. O fana kera fitine ye tiga ma don min na na. Nka ko labanna Mali faso kanubagaw ka wasa kan, barisa fitine tigilamogew bolo dara u k'e Mali maramafen tabagaw (soredasiw) ka se kan. Nka ko geleyara fo ka se Musa ka gerentefanga dafirili ma, ka funteni to to senna. Alfa Umar Konare ye jamanakuntiya wolkansigi damine san 1992 Zuwenkalo tile 8, furancefanga kalo 14 kofe. Alfa Umar Konare ka fanga san duuru folo kono, kejekafekeloko tigilamogew ye marafa ta kokura Mali cedenw kanma. Nin caman tora o la olu yere fan fe ani Mali kelecew fan fe. Nka, ko bee be laban tipi de kan. Benkan barikamaw temena kejeka fe mogeo murutilenw ni Mali jamana ce min kuncera mogeo murutilenw ka marafaw, n'u ka mugu juguw, an'u ka keleminen bee tonkajeni kan, n'an ko ma ko "here tasuma". O waati la, jamanakuntigi min tun be Gana jamana kunna, o yere yera Mali kunnawolokene o kan jamanakungi Alfa Umar Konare dafe.

Nka o "here tasuma" nagali ma to sen na, barisa, kabi san 2007 kejekafemogeo jugu ninnu y'u kanbo kokura ", bandi" kolo gelen

fila ka jemaaya kono, nolu ye Bahanga ni fagaga. O de be senna hali bi ka soro an sigijogon larabu jamana fila y'u ka wulikajo bee ke walasa ka dalasa, no ye Libi jamana ani Alizeri jamana ye. San 2008 marisikalo tile 20 don yere, Mali jamana mana tigilamogew ni bandbaganci ninnu tigilamogew ye njogon soro Libi benkola kuma sistratege la. O sigikafé be senna halibi. Nka, san 2008 awirilikalo tile 2, Mali soredasiw ye Mali kunnawolo dere. U ye pankurunw ta ka yanga mogeo murutilen ninnu ka cesigidaw Kunna. Aa ! O fen tununen caman ma keye fen ye dere !

**Manden, sigikafé te ko min ban, kele kun kelen de b'o ban dere !**

### An ka nin to an hakili la

Kejekafekeloko burudameko ye. Kejeka fe, mogeo hakenin de be nin wulikajeko jugu la ka soro Mali burudame fanba diyajeko te. O de koson, Mali burudame yere be la jini kela waati bee an ka soredasiw ka fitinemogeo ninnu silatunu k'u daga bo an da la. An ka seereya a ma, ko, i komi Mali siya tow bee, burudame fanba ye Mali jamana kanubagabaw de ye. O koson, a kafisa an ka danfaraw don mogeo juguw ka faso janfa walew ni burudame fanba ka Mali kanunciya ce !

**Kolosili :** kosa in na an be ka men ko Libi Jamana y'i senbo Mali ni kejekafemogeo murutilenw celabenko la, ka to Alizeri bolo. Yali o fana bena ke ka teme Libi kan wa ? Jininkali gelenba !

Tumani Yalam Sidibe

## Mekalo tile 1 n'a koro


Kabi san 1945 mekalo tile 1, ni Etazini musow ye wulikajo ke walasa ka baarakelaw ninyoro jinini sankorota iziniw ni fangala cakedabaw kono, san o san, mekalo tile 1 ban hakililajigin o don na. O taama de senfe josiraw nafafenw soro lajini kono, lakanatigilamogew ye hakili wuya-wuya mugu juguw ci muso taamabaga ninnu kan. O kera mogeo caman ka kasaara sorkun ye. Kabi o san (1945), ka se bi ma, san o san mekalo tile 1 bolodara ONU fe ka ke baarakelaw ka josiraw sabati lakodondon ye.

Alekisi Kalanbiri  
Jamana baarada Bamako

## Siga te ko minnu na

Sirabakan kasaara nənənen ! Don Mali kənə bi dere ! senfilma bolifenw, fo ka se mobiluw ma, waati o waati olu taabolo kasaaraw de bə jamanaden fanba ka kenyea lagosi, n'a y'a sərə u tə dan sigi u ka nənamaya la yere ! Dugubaw kənə, dugu misenw kənə, kuma tə jama na marayorəw donnəgənna sirabaw ma, olu bee kelen bə maasiba waleyakenew ye. Yali mun b'o ke ? kun filape de bə la anw ka jate la. Sofere caman bolo ma ben bolifenw nəkunmine na, hali n'a yamaruyasəben b'u bolo ; awa, bolifenw ka sirabakanboli kəko numan səgesegebaara te kə kecogo la a kebagaw fe. Jateminenaw dun ka fə la, bolifen ye "makoñeminen" de ye min tə tigi dən. O b'a jira ko wale kelenpe min bə kun a la, o ye a bolili ye bolili taabolo sariya kadara de kənə. O b'a jira ko n'i ye sirabakan kasaaraw hake sankorota kojugu ye bi. Mali kənə yan, an bə kələsi kosebe ko mototigiw, mobil - misentigiw, fo ka se mobiliba-

ba-kan-bolifenbow de ka kasaara caya. O misali jənjən ye u ka waati bee kasaara waleyataw ye minnu kelen kelen bee senfe, taamaden tan sigiyorəma caman de bə bəne u nin na. Awa, dəgətərəsow kənə bi, hali ni keneyatigilaməgəw b'u seko danmajira la, an kə dən k'u bolominenw sanga tə se bi sirabakan kasaaraw hake kərə a nəma. O be a to an be wele bila jama na nəmaaw ma, u ka ko bee ke walasa ka sirabakan-kasaara təw kubən minen lakikaw lase a nəma Mali jama na maraba kelen kelen bee dəgətərəsobaw kənə. Nka, sanni o ka ke, a kafisa bi, bolifen bolili dənko numan yamaruyasəben ka wajibya mototigiw bee kan, kerenerennya la motobatigiw. Awa, siraba lahalaw kalansenw ka kə lakəlisow kənə ani duguw balikukalansow kənə, i n'a fə a tun bə ke cogo min na fələ. O b'a to bee b'a dən ko siraba ye makoñefen de ye min n'a sariyaw be nəgən bolo, nka yeresakoyeyoro te. Kasaara ma jni. Hali



Ni denmisen masaw ye barika don denmisenw ka cesiri la baara fe, o be caman bə sirabakan kasaaraw la !

tigiw ma, bee bə bolifenw boli ni farati de ye. O b'a to gelyea bə bala ka kubə i kərə, bolifentigi bə dəse a yere la, ka kebali waleyali wajibya, n'o ye nəgənlasəro ye. O k'i tige ka bə yen fana, bolifentigi ka kufəboli bə sira-

ni məgə min bərə kan ten ka adamadenw da kojugu ye maasiba kənə, joli cəma ani ninmanəgosi, o b'i bali ka hakili numan sərə o tile tə kənə. Fen dun te jogo numan be bəse min na dere !

Tumani Yalam Sidibe

## Uko...

Don bee man kan məgəw ma. Don bee na lahalo don adamaden bolo. Dəw b'u diya don min na, dəw b'u goya o don na.

Amadu Bagajəkə  
Fipento dənkilidala (Bamako)

Bee ko : Ala kana məgə si ke jugusako ye. Məgəw de dun ye nəgən jugu ye kabi Ala ye dije da. O ye ko faamubali ye koyi.

Musa Sina nəkə Ka  
bə Simiji Welesebugu.

Dijesosigi la, an si kana npəren ci nəgən na. An si tə məgə kolon wali - ma məgə səbe ye nəgən kə.

Zəruzu Wasentoni  
"Etazini" jamana kuntigi fələ

Ne ma na məgə kələsi ka tə fe, a ko bə goya n ye ka tə fe, fo n be wulu kanu ka teme a kan, barisa janfa tə wuluso !

Adolufu Hitileri  
Aliman jamana maapemaa  
San 1935 waatiw la.

Galo bee n'a bənənko masiriwale bə. O de kanma, malo də bə məgə də bila yeresagasuya la, kasərə a bə məgə də ka kətababə sababuya yelə ni sewa kənə.

Modibo Magasuba  
Ka bə walofəbugu (Bamako)

An kən labən, musotigiw ko don, nəntə, "pike" (cəganan) taa man go !

Dawuda Danbele  
Maanabəla ka bə  
Denso (San kafo)

## An ka denmisénw ladon ( boko 3 nan)


**M**ali dugubaw bee kono bi, fen kelen be yen min kelen be makariko ye. Bolonbaw bee falen don denmisén cema na musoma de la sarakadeli la. O ta bee ye, barisa muso filanintigiw, na sabanintigiw de ni koladenw be tile koro fan bee k'a ye "filaninw son" ! Nin wale ninnu de kelen be jagokefenw ye bi an ni denmisén ye, tilefunteni koro. An ba fo ko be o denmisén masinaw

len de don u bangebagaw-fe, muso werew bolo benkan nafolo do kanma denw koseginwaati la. Awa, hali ni desenyerekorow yera dije kono waati bee, a lojurato bee tun t'u yere bila sarakadeli lahala kono, k'o sabu ke maloya tun be yen ani "ne man kan ni nin wale in keli ye". Bi dun, i be mogeo dwoye an ka jamana bolonbaw kono minnu deselet te fangalabaara la jesi ma ka sarak-

lankaramogow ka don kolu yere ka togo dumanko te kalandenw ka waati bee bolonfeyaala la ne si ma. O yere de kanma, an sera karamogeo Haruna Trawele ma, no ye morikalandkaramogeo do ye Bamako. An ya nininka gerebudenya lahala la diine kono. Karamogeo Haruna Trawele ko an ye ko : an be don min na i kobi, a man kan karamogeo si ka denmisén bila bolonfe bajanyaala la. O ni barikako te negeon ne sira la. Felo, n'a tun be ke an ka karamogebaw fe, o tun be ben jamana lahala yere ma. Bi dun, jama cayara ; bolifew cayara, awa, kasaara nasiraw fana cayara, ka fara tilefunteni kan. A kafisa bi karamogeo ka kalan kalosarabu wajibya kalandenmasaw bee kan, ni u bilali ye ka taa bolon fe sarakadeli la. Felo, gerebu tun ye karamogeo taama negeon de ye dugu ni dugu ce taamaw la. Awa, karamogeo ka sokono-baaraw, a ka forokonobaaraw kebaga tun ye gerebuw ye, ni dwo k'u ma ko talibew (kalandenw). Bolonfe sarakadeli, hali na tun be kan bara yan felo, a kewaati tun ye sogomadaw ni wuladaw de ye. Awa, gerebuden tun te jo sirabaw kan. U n'u ka gerebu filenninw tun be jo bulondaw de la ko : "gerebuson be yan wa ?" Mogow tun be jo k'u kun walima sonfen were. Dwo yere tun be faana sigi u koro min te dumunito ye. Wulafe, sonfen sorolenw de tun be taa di karamogeo ma. O tun ye gerebuya lahala bee ye. Nka bi, a ko kelen be n'ta sidon ye" !

An ka denmisénw ladon nu kolsili ye ka bo banaw ma ; an k'u ladon n'u lakanani ye ka bo kasaara nasiraw bee fana ma. O bajuba do dun ye bolifew sicaya n'u hake caya ye bi. A man kan denmisénw ka to yermabila la sirabaw kan ne si ma. "Den ka di, a ladonko juman ko don dere" !

Tumani Yalam Sidibe



Denmisénw ka bolonfebila t'u ma juman ye.

ka keneya de lagosi, na ma kenekan bana jugu yere bila u la koni ! An bee ka don ka man kan ne si ma denmisenni ka ke sarak - deli-minen ye. Dwo be se ka n jaabi ko : cogodi desebeato min te se a yere koro, o be se ka ne soro ko la kasoro a ma delili ke na den lahala ye, wala ka dayirime soro ? A kafisa an ko ko laje ni hakili ye. Nan yan ne fili ka taa kofe, an be ta soro ko sarakadeli ni filaninyaala keran ka jamana kono yan waati bee. Nka, u kera labenbolo de kono min be tali ke ko kewaati, ko keyoro, ani ko kecogo la. Bi dun, n'i ya kelen ye danmateme ye tan, o ba jira ko hakilina kura de donna a la. O yere de kanma, an ka wulikajew senfe darjinikaw siratege la, an ya men ko den layaalata ninnu caman singa-

deli ye bolonw fe, felo, o tun lakodinnen be gerebuninw de ye, no ye morikalandenw ye. Awa, waati tun ba keli la min ba to gerebuya tun te kalanden koli kalan na. Nka bi, o denmisén caman de be yen minnu be tile bee ke u sen kan, bolonfe sarakadeli la. N'i ma a min yere be kolosili ke, i te ne yere nininka nin ko : "yali, nin denmisén dun be se kalanbulon kono waati jumen ?" Aa ! Ni fu ma siri nin kewalew la, u ban ka ladalako caman de lagosi a ko nejinibagaw bolo de : morikalanko ; filanintigiya, fo ka se lojuratow yere taabolo ma. Hali ni tije bu la yere fana, a kebagaw ka kan ka don ko "mogeo" bi fa bu la ka soro i ma se bolo ma". Mogeo be se ka filaninyaala ke ka soro i sigiyoro ma ben tilekorola ma ni denw ye. Awa, morika-


## Wale jugu tigilaməgəw ka kiiribulon (kurudasizi)

**"Nin ye kiiri taabolo ye, an ye min bə "L'essor" kunnafoniseben kənə"**  
Kurudasizi sigiko filanan min be senna Sikaso kabi san 2008 awirikalo tile 10, alamisadon, Lamisa Bengali təgəla jənajeso kənə. Kiiri-

CMDT ; EDM ; CNAR ani BDM-SA Kiiriw ye. Fen min ye CMDT kiiri ye, məgəw sigira haali ka CMDT jəmaaba kərə Mahamari Umaru Mayiga ka kiiri tigebolo makənən, ka fara a ka cakela caman were ka

Jangadu ka ladala furusiritun kera kaban. Awa, "kapiteni T..." ni Mayimuna pangadu tun be jəgən bolo kabi san 4 jəgən na. Nka, Mayimuna tun be wulikajə bee la walasa merilafurusiri be ke a ni "kapiteni T..." ce. Nka, tuma bee, "kapiteni T" tun bə jira ko ni i ye kow lasumaya- len ye, kə sababu ye segesegeliw de ye minnu wajibiyalen don sərədasi furu jinina bee kan. Mayimuna Jangali jigelatigelen a ka merilafurusiri kebaliya la "Kapiteni T..." fe, a ye wale jugubaw miiran ta. A ye esansi litiri seegin san kə dalakuru kojuma ji-suma-lasagonan də kənə. Mayimuna deselen "Kapiteni T..." hakili dali kan merilafurusiri kərə, a ye "gilasiyeri" kənə esansi litiri seegin bee seri Kapiteni kan. Nkə ma waati sərə ka takala menen kə fili a kan, barisa sərədasike sera kə dalakuru yərənin kelen, kə bila zandaramaw kə bolo kan. kiiri tigilaməgəw jəkərə, Mayimuna Jangadu jəra wele in kərə. Nkə ya jira yəremakaran siratege la, kəle tun ma wale in ke məgə faga la jini kanma, kə ya ke de walasa kə kanuke proporo kə bila merila furusiri sira kan. Nka, o makarikuma ma ko jə, barisa kiiribulon ye Mayimuna Jangadu nangi san 6 kasos.

Bayelemabaga  
Tumani Yalam Sidibe



*Kurudasizi ye walejugubaw tigilaməgəw de ka kiiribulon ye.*

bulon in be Bamako kiiriso peresidən fələ de ka jəmaaya kənə, nə ye Abudulayi Isufi Ture ye. Kiiribulon kelen in kənə, "porokireri Zeneralı" Mamadu Buware tun be yen, ani makarannikəlaw (awokaw) ka tənba jəmaaba, ka fara Sikaso mara jəmaaw kan, ani maa gansan caman were.

Sikaso kurudasizi in min tora senna fo ka se san 2008 awirilikalo tile 30 ma, o ye kiiri gəlen 61 de tige, min be wale jugu tigilaməgəba 109 kun kan. O wale jugu tigilaməgəw nəminənen don binkanniw, maafagaw ; sojəni korogelənw ; binmusokanw ; seerejugutigiyaw ; jamafənw jənamuni ; denmisən lajaba ce ni musoya sira fe ; məgə tali ka bə a yəre dabolo kan, ani wale juguba werew de nəfə. Awa, Sikaso kiiribon in kənə, kiiri gəlen caman were fana tigera məgəw tun sigilen don ka minnu makənən, n'o ye

kiiri kan, minnu fanba ye Sikaso-kaw ye.

Porokireri Mamadu Buware ya ka nisəndiyakan jira ka jəsin kurudasizi sigiko bolodacogow ma, o min be tali ke jamana jəmaaw ka lajini na ka kiiri waleyə a jəma ja-mana kənə. Awa, anw ka kiiri taabolo bə jini tuma bee fama ka kow jəjnini k'u bə jəgən na : "a ka jate ko damantan kiiri ma məgə ka kewale jugu lakodən, a be jate kə tigi nə te ko la" ; ka kiiriw boloda waati berəbenw kənə ; ani wale jugu jəngicogo berəbenw ka ben Mali sariya baju ni dijə sariyagafew kənəkow ma, Mali ye bolonəbila ke minnu na...

Kiiri fələ min tigeli waleyaw daminenə don fələ kənə, o tun be finiti-gi jalatigiba də de fagali la jini kan a jəjəgən muso fe. O walew kera Segu san 2006. Sərədasi jalati-giba, "kapiteni T..." ni Mayimuna


### Kələsili

"kapiteni T..." ye təgə kali-falen de ye, min te ce təgə yəre ye.

An ye nin bə "l'Essor" Kunnafoniseben ka ntənəndon, san 2008 awirilikalo tile 14 bəko de kənə.

# Mali ntolatan bɔnkamalenw ye degekaramogø kura sɔrɔ

Taratadon, san 2008 awirilikalo tile, Mali ntolatan jekuluba, nō ye "femafuti" (femafoot) ye, o nemaaw ni Nizeriya ntolatan ceden ɔ̄nana Sitefeni Kesi ye bolonəbila ke bənkansében də la, min bā sabati ko



*Sitefeni Kesi bɔnkamalenw ka degekaramogø kura.*

Sitefeni Kesi de ye Faransika Faransuwa Zodari nənabilabaga ye Mali bɔnkamalenw ka degekaramogøya la kalo 28 kuntaala kōnø, n'o be ben san 2 ni kalo fila ma. Awa koba fila de waleyali la nininen don Sitefeni Kesi kan bənkansében kōnø. O fəlø ye Mali bɔnkamalenw ye li ye san 2010 kupudafriki kene kan Angola, k'a filanan fana ke san 2010 kelen o kupudimondi kene lasorøli y'u fe Afriki di Sidi.

Bəlonəbilakene in kan, maaba caman tun be yen ka fara femafuti məgəjəməgəw kan :

- Isa Ceman Jara : Ale ye farikolojenaje minisiri kankorisigiba ye
- Salifu Keyita ; karunga Keyita ani Bubakari Jara : Olu ye ntolatan biroba peresidan fəlø saba ye
- Ka fara Sitefeni Kesi yere kan.

Sitefeni Kesi bana sara sefawari dərəmə miliyən woloniwula de la kalo o kalo. Awa sefawari dərəmə ba keme duuru (500000) de fana be k'a ka bolo kan kalo o kalo a ka telefonni musakakow kanma. Ka fara o bee kan Mali jamana be mobili kelen fana ni siso kelen bila a ka bolo kan.

Sitefeni kesi ye Nizeriya ntolatan ɔ̄nana kōrɔ ye min be Mali ntolatan taabolo kalama kosebe ka masorø Afriki Kadara ntolatqan caman senfe, a ka tōn ni Mali bɔnkamalenw benna. Awa Afrikika wolofin don min be se k'a n'an ka cedenw ka nəgənfaamuya sabati kosebe Sitefeni ye furu ke. Muso kelen de bā bolo ani den duuru. A be kuma faranfasiyalek ke faransikan ni angilekan na haali.

## San 2010 kunbenw lahaw

Walasa ka ye san 2010 kupudafriki ni kupudimondi kənew kan, Afriki ntolatantən w be nəgən kunben kuluw de kadara kōnø fo ka se u ɔ̄nana sugandikenew ma. Awa Mali bɔnkamalenw be kulu 10 nan de kōnø, notolatantən saba were kunben kanma taakasegin na : Kongo ; Sudan ani Cadi.


Kunbenw bolodacogow

- **Tile naaninan :** San 2008 zuwenkalo tile 20  
Kongo ni Cadi  
Mali ni Sudan

- **Tile duurunan :** San 2008 setanburukalo tile 5  
Kongo ni Mali  
Cadi ni Sudan

- **Tile wəərənan :** San 2008 əkutəburukalo tile 10  
Mali ni Cadi  
Sudan ni Kongo.

Nin kunben fəløw de be kənew lasorøli latige di Mali ntolatan kənubagaw ma ka d'a kan, i n'a fə kunben təw bee, kun kelenpe min bā la, o de ye ka ɔ̄naw bila kənew sira kan ani kā binbagaw lato so. Ala ka feere juman di Sitefeni Kesi nā ka cedenw ma walasa ka sɔrɔ san 2010 kunbenba fila kənew kan Angola ani Afriki di Sidi. O yan ka lajini berebere ye, nəntə, cogo bee la, an



*Walasa u ka Angola ni Afriki di Sidi kənew lasorø, fo an ka bɔnkamalenw ka taako folən danaya sɔrɔ...*

- **Tile fəlø :** San 2008 mekalo tile 30  
Mali ni Kongo, Sudan ni Cadi
- **Tile filanan :** San 2008 zuwenkalo tile 6  
Cadi ni Mali  
Kongo ni Sudan
- **Tile sabanən :** San 2008 zuwenkalo tile 13  
Sudan ni Mali  
Cadi ni Kongo

ka cedenw kōnø ka ye a kene fila də la kelen kan. O te siyako ye kuma tə sarakaboko ma. Galabuko danma ko don, ani danyerela, ni keta juman lajini, ka bə an ka cedenw n'u ka degekaramogø kura yɔrɔ.

**Joliba ntolatantən ye sira səbə mine !**

**A tə be ne 10 nan kan**

**Jne 9nan to**

An bee b'a kalama ko Afriki kənə ntolatantən ɲanaw ka la dala kunbenw kadara kənə, Mali ntolatantənba fila de tun be kene kan. Sitadi (STADE) tun be kene kan ɲanabənkupu kadara kənə. Ale senbəra o ko taako fələ yere senfə, ka masərə taako fələ tun y'ale ni Angola ntolatantən ɲana kəgə da ɲəgən na min taakasegin si da ma diya sitadi la.

Mali ntolatantənba filanan min be kene kan Afriki kunda kenew kan, o ye joliba ye Kupukafu (CAF) kadara kənə. O taako fələ ye joliba ni Laginekaw ka ntolatantən Salelit kəgo da ɲəgən na min taakasegin bəe da diyara joliba cədenw la. Taako fələ ntolatanw kera Bamako, san 2008 marisikalo tile 22. O da diyara joliba la (kuru 2 ni fu). Kəmasegin kera Lagine san 2008 awirilikalo tile 3. O fana kuncera joliba ka se kan. (kuru 1 ni fu). O b'a to

joliba ntolatantən ka kupukafu kunbenw kene filanan lasərə. O ye joliba ni Gabon ntolatantən ɲana "manga siperu"de fana kəgo da ɲəgən na a waati la taakasegin kənə Mali kənə ani Gabon kənə. A kafisa maliden cəma nə musoma bəe ka dugawu ke walasa joliba ntolatantən ka ne sərə kupukafu la, ka d'a kan o be ke Mali de kunkorəta

kene ye. Joliba ni manga siperu cədenw ka kunben taako kera Bamako yan, san 2008n awirilikalo tile 27.

**Tumani Yalam Sidibe**

**Kolosili :** An ye nin kunnafoni dəw bə farikolojenaje kunnafonisəbenba kənə, ko match". A bəko 358.

## Sangalaci

Arabadon, san 2008 awirilikalo tile 9, Mamadu Keyita ko "Kapi", fəttar. A janajaw kera alamisadon, san 2008 awirilikalo tile 10, Bamako ntolatantənba kan, nə ye "Sitadi Modibo Keyita" ye.

Mamadu Keyita, "Kapi", ye Mali bənkamalenw ka degekaraməgə kərə ye, an'u ka "Direkiteri takiniki", min y'u ka sankərətə sabati kosebə fo san 2006. Awa, fo ka se a factudon ma, Mamadu Keyita, Kapi tun ye kararaməgəba ye Mali farikolojenaje lakəlisoba la, nə ye "INS" ye. Mamadu Keyita "Kapi" senbəlen bənkamalenw ka degekaraməgəyə la fo ka se bi ma, nə ye Sitefeni Kesi nəli yedekekaraməgə fen o fen nənd an ka cədenw kunna o bəe kera nansaaraw ye.

Ala ka hine a la. A faktura kə si to san 61 na.

**Tumani Yalam Sidibe**

## Mali kənə geleýako in be mun kan

Ni məgə min y'i sigi k'i taasi, i be tə sərə ko kamanagankoba be yen. San o san, ka bi waati jan, anw de be kule la dərən ko geleýa be ; balokodese be ; baarakodese be ; nafolokodese be. Nka, o kuma bəe be kunyərə sərə məgə la ni balokodese ni baarakodese ye, ka masərə Mali fan bəe ye sənəke dugukolo jumanw ye Awa, baarako taasira fe fana, n'an y'a laje ni kələsi keko juman ye, an be tə sərə ko Mali fan bəe ye baarada ye, maliden fasokanunci bolo. Sənə ; mənni ; kungobaara ; bololabaara ; jago nasiraw ... cogodi, ce galabu kənəmanw be sərə Mali kənə halibi minnu ka fugariya dakasunəgəkan ye ko "baara te n bolo" ? O man kan. An ka dusuta, k'a dən ko an sərəkun ye an bangebagaw fe de "olu k'an ta kən bə nəgə la, an fana k'u ta, k'u lədon, ani k'u bərebəre sənni u faatudon ce". Aa ! Denmisən dusukuntan de cayalen be sa dəre ! Nəntə, cogo di məgə farikolo kənəman be se k'i ban kəta bəe ma, ka ko bəe turu ta



ka da jamana kun k'o de deselen be ka baara d'i ma ? "Jakuma t'i jə a ka fugariya ma ko jina y'a cin a da la" ! Ne te jigin kosebə yere nin den masinaw ka dusukuntanya walew la, n be jigin kosebə u bangebagaw de la, olu minnu b'u to u senkərə fugariya walejuguw la, ani ka donkabəw ke yərə juman-yərə juguw la, k'u labalo. O bangebagaya caman yere ka yərenəgenkan ye de ko "ni məgə min wolora sa la, i b'a siri i ce la" ! O ye nkalonkuma ye dere. Sa te məgə celasirifən ye ne si ma, barisa sinminbali don. Hine t'a la. An k'an

a to an denw ka k'an bolo saw ye. O man kan ! Bangebagaw k'a dən yere ko banyerəla si te teme dennatiñəna kan. A t'a ne a yerekun ye sankə a bangebagaya, kuma te sigida ma.


Ni məgə min ye Mali dugukolo forokəne lahalaw laje, ani ka t'a fo ko kəngə de masiran be an ka jamanaden fanba la, o ye kamana-ganko ye ka, cikəyərə tari ba yirika camanw dasilen to Ofisi Nizeri kənə ; CMDT ni Ətuwale kənə : operasənbaw kənə : kaba ; malo ; ne...

A kafisa kəni fana Mali gəferenama k'a kun don sənə na-fafənw da jiginne kərə ka bən cikəlaw ka sekə ma nafołoko si-ratege la, nəntə, nə ma ne, forokonin toli ye waati bəe, a dogisara la, forokotigi fanba de b'i fere kun bəli ma forokonin kərə de. Hali n'o te ne forokonin kənəfən bənni kə !

Nəgəw, ni furaw, ani baaraminenw sənəgə ka ca. Gəferenama ka "sibiwansənko" laje olu la !

**Namisa karijan kamara  
Ka bə Sibi lamini na**

# Falato Kaniba Ka sananminjitaga (tigeda filanan)



## Musow jɔyɔrɔ ka bon sigida yiriwabaara bɛe waleyali la

Jekabaara baarakelaw, ani a kalanbagaw, aw bɛe ni jantuma !

Ne bëna kuma ni aw ye merisigi nata de kan. Ni aw hakili b'a la, ne delila ka kuma nin ko kelen kan, a bë san caman bɔ bi, ka nesin n balimamusow ma. Halibi, o kuma kelen de don.

Nbalimamusow, merisigi ye anw de kanko ye.

N b'o fɔ ka da ko danmadə kan :

**A fɔlə :** Anw musow, an ka misen. An je te teme nɔgɔ kan an ka gaw kɔnɔ, an'an ka sow kɔnɔ ; wa an je te teme nɔgɔ kan bɔlɔnw fana kɔnɔ.

**A filanan :** Anw de bɛ dɔgɔtɔrɔsow taali matarafa ni an ka banabagatɔw ye (muso lajɔlenw wo ; muso denbatigiw wo, denmisenninw wo ; ani banabagatɔ werew). Wa, anw de bɛ dɔgɔtɔrɔsow janya dɔn. Anw de fana bɛ furuw sɔrɔ cogo dɔn dɔgɔtɔrɔsow kɔnɔ.

**A sabanan :** Anw de bɛ suguw kɔnɔ dɔnwow dɔn. Anw de bɛ nalafenw feereyɔrɔ numanw dɔn, minnu saniyalen don, ani minnu saniyalen tɛ ; minnu da ka di, ani minnu da da ka gelen.

**A naaninan :** Anw de ye denbatigiw ye. Denmisenw ka lakɔliko geleya n'a nɔgɔya, anw de b'olu kallama.

A duurunan : Denmisenninw ka

tulonke yɔrɔw, n'blu bɛ wele ko "fere", kɔlu lakana, kasaara kana denmisenw sɔrɔ, anw de bɛ se kb waley a nɛma.

Nin ko dānmadə minnu fɔlen file nin ye, olu n'u nɔgɔnna caman de y'a to ne b'a fɔ ko merisigi ye musow ka ko ye. Nin wale minnu folen file nin ye, olu ye sigida ladi-lanni walew de ye, meriw ka baara fanba sinsinnen don, olu de kan ! Anw musow bɛ se nin baara ninnu kecogo numan na, fo ka se a dan na. Tijé don. Nin baara ninnu si tɛ se ka ke, ni musakabə te. Nka, o musakaw jinini fɛere numanw bān bolo : (kumakan duman ; ladi-likanw ; lafaamuyali ; negenni, olu n'u nɔgɔnna caman). O la sa, ne b'a nini n balimamusow fɛ, an kana tige an yere la. An ka da an yere la. An ka an kannabə merisigi nata la. An k'an laben o kanma, kabi sisan, sanni a tuma ce. Laben fanba ye min ye, an bān ka sigida laje, an bā fɛ a ka ke an sako ye cogo min na, an b'a n hakili jagabə o kan. An bëna baara minnu ke, an b'olu jatemine. U tɛ taa musaka minnu an b'a n hakili jagabə olu sɔrɔcogow kan. O baaraw ka kan ka damine kabini sisan. Mɔgɔ caman b'a fɔ ko : merisigi ye fo san were ko ye. Ne bolo, san were man jan sima bolo, ani fana : "bolitumadən kafisa n senkadi ye"

Jekabaara baarakelaw ; a kalanbagaw ; aw kān ben tuma were.

Ne bɛ yafa jini aw bɛe fɛ, ka masɔrɔ ne ma kalan, n ka sebenni ma jeya !

**Bandara Sakiliba  
Hipodɔrɔmu, Bamako**

Bandara Sakiliba, yafa kera i ma an fe dere, ka d'a kan i ye mægɔ timinandi ye, min b'a dɔn ko "dɔɔnin dɔɔnin de bɛ misiba sen se ga jiri ma". Ala k'i ka ladili-kanw mènni tulo di musow ma merisigi nata labenw kanma.

**Jekabaara sebennekulu**

### Jekabaara

Labbikuntigti Saben nekulukuntigui  
Tumani Yalam Sidibe  
Saben nekuluk  
Yusufu Fane  
Bakari Sangare  
Tumani Yalam Sidibe  
Jlegew kebaga  
Amadou Jakite  
Nataliye dilanbagwa  
Modibo Sidibe  
Jaw tabago  
Haruna Trawele  
Labenbagaw ɔridinateri la  
Madamu Jakite Worokiyatu Sɔ  
Fatunata Cero  
Madamu Ture Mama Jalo  
Baarake nɔgɔnny  
CMDT-SNV - Ofisi Nizeri -  
Ofisi iri - OHVN  
Holka bota : 16000  
Bataksira 2043  
Negejurusira 229 62 89  
Jamana baarada Seki zayedti togola  
sira - Hamudaloyi kin - Bamakositi -  
Webu nimoro  
[www.afribone.net.ml/jekabaara/](http://www.afribone.net.ml/jekabaara/)

## Walasa k'aw ka dɔnniya labarika an baarakanw na, a ye aw wasa don jamana gafew la an ka fasokanw la

